



Broj: 01/2-11-311-3/2023

Ilijaš, 13.04.2023.godine

Na osnovu člana 46. stav 4. Zakona o Budžetima u Federaciji BiH ("Službene novine Federacije BiH", broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 12. Zakona o finansijskom upravljanju i kontroli u javnom sektoru u Federaciji BiH ("Službene novine Federacije BiH", broj: 38/16), tačke 50. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine ("Službene novine Federacije BiH", broj: 15/18), člana 3. Budžeta Općine Ilijaš za 2023. godinu ("Službene novine Kantona Sarajevo", broj: 2/23), člana 10., 24. i 25. Odluke o izvršavanju Budžeta Općine Ilijaš za 2023. godinu ("Službene novine Kantona Sarajevo", broj: 2/23), člana 11. Pravilnika o kriterijima, načinu i postupku raspodjele sredstava iz tekućeg granta za programe iz oblasti kulture koji se finansiraju i sufinansiraju sredstvima Budžeta Općine Ilijaš broj:07-40-730/13 od 11.04.2013. godine, člana 100. i 107. Statuta općine Ilijaš ("Službene novine Kantona Sarajevo", broj: 20/09-prečišćeni tekst i 46/18), Prijedloga Komisije za ocjenu prijave po Javnom pozivu za prikupljanje zahtjeva udruženja i nevladinih organizacija radi dodjele sredstava za finansiranje/sufinansiranje iz Budžeta Općine Ilijaš za 2023. godinu, Zaključka o davanju mišljenja na finansijske odredbe prijedloga Odluke o dodjeli sredstava za finansiranje/sufinansiranje udruženja iz oblasti kulture sredstvima Budžeta Općine Ilijaš za 2023.godinu, broj:04/3-11-909-3/23NM od 13.04.2023.godine izdatog od nadležne Službe za privredu i finansije, Općinski načelnik donosi:

ODLUKU O DODJELI SREDSTAVA ZA FINANSIRANJE/ SUFINANSIRANJE UDRUŽENJA IZ OBLASTI KULTURE SREDSTVIMA BUDŽETA OPĆINE ILIJAŠ ZA 2023. GODINU

Član 1.

(1)Ovom Odlukom utvrđuje se raspodjela sredstava za finansiranje/sufinansiranje udruženja iz oblasti kulture u cilju unaprijeđenja kulturnih aktivnosti i oplemenjivanja kulturnog ambijenta na lokalnom nivou.

(2)Sredstva za ove namjene obezbijeđena su Budžetom Općine Ilijaš za 2023. godinu na budžetskoj poziciji Transfer udruženjima građana: ekonomski kod 614324-tekući transferi za kulturu.

(3)Nivo sredstava za raspodjelu iznosi 65.000,00KM (Slovima:šesdesetpethiljada i 00/100 KM), koja se po namjeni raspoređuju za:

A. sredstva za realizaciju programskih aktivnosti u iznosu od 55.000,00KM (Slovima:pedesetpet hiljada i 00/100 KM),

B. sredstva za plaćanje režijskih troškova u iznosu od 10.000,00KM (Slovima:desethiljada i 00/100 KM),

Član 2.

(1)Sredstva iz člana 1. ove Odluke raspoređuju se na sljedeći način:

A. SREDSTVA ZA REALIZACIJU PROGRAMSKIH AKTIVNOSTI		
Red. br.	UDRUŽENJE IZ OBLASTI KULTURE – NOSIOC REALIZACIJE PROGRAMA / Naziv programa	ODOBRENO KM ZA 2023.
1.	UDRUŽENJE ZA UNAPRIJEĐENJE I RAZVOJ KULTURNE BAŠTINE U BIH "ZLATNE RUKE" ILIJAŠ "Očuvanje kulturne baštine u BiH"	5.000,00
2.	HRVATSKO KULTURNO DRUŠTVO "NAPREDAK"	7.700,00
2.1.	"Program rada društva u 2023.godini"	4.700,00
2.2.	"Organiziranje Božićnog koncerta u Ilijašu 2023.godine"	3.000,00
3.	UDRUŽENJE "KULTURNO-UMJETNIČKO DRUŠTVO "ILIJAŠ	13.300,00
3.1.	"Redovna sredstva potrebna za rad udruženja"	8.300,00
3.2.	"Sufinansiranje odlaska na turneju"	5.000,00

4.	BOŠNJAČKA ZAJEDNICA KULTURE "PREPOROD" U BIH-OPĆINSKO DRUŠTVO ILIJAŠ	18.500,00
4.1.	"Dani Preporoda"	5.200,00
4.2.	"Program rada za 2023.godinu"	7.300,00
4.3.	Koncert duhovne muzike Islama "Večer najljepših ilahija"	6.000,00
5.	UDRUŽENJE ZA ZAŠTITU KULTURNO-HISTORIJSKOG NASLIJEĐA I EDUKACIJU MLADIH "ARHIUM" ILIJAŠ	5.500,00
5.1.	"SPOMENICI KULTURNO-HISTORIJSKOG NASLIJEĐA OPĆINE ILIJAŠ-STEĆCI I NIŠANI" (UBIKACIJA, EVIDENTIRANJE, POPIS I VALORIZACIJA NACIONALNIH SPOMENIKA – NEKROPOLA STEĆAKA NA PODRUČJU OPĆINE ILIJAŠ KROZ PROMOCIJU PUTEM IZLOŽBE I KATALOGA ZA 2023.GODINU"	2.000,00
5.2.	"SPOMENICI KULTURNO-HISTORIJSKOG NASLIJEĐA OPĆINE ILIJAŠ-NASTAVAK POPISA STEĆAKA I NIŠANA"	2.000,00
5.3.	Podrška štampanju knjige "Nišani nahije Dubrovnik od 15. do 19. stoljeća"	1.500,00
6.	FONDACIJA "STAROBOSANSKI GRAD DUBROVNIK, ILIJAŠ" "PROGRAM RADA FONDACIJE 2023 .GODINE"	3.000,00
7.	REZERVA	2.000,00
UKUPNO A:		55.000,00
B. NAMJENSKA SREDSTVA ZA PLAĆANJE REŽIJSKIH TROŠKOVA :		
1.	BOŠNJAČKA ZAJEDNICA KULTURE "PREPOROD" U BIH-OPĆINSKO DRUŠTVO ILIJAŠ	4.800,00
2.	UDRUŽENJE "KULTURNO-UMJETNIČKO DRUŠTVO "ILIJAŠ"	2.650,00
3.	HRVATSKO KULTURNO DRUŠTVO "NAPREDAK"	2.550,00
UKUPNO B:		10.000,00
SVE UKUPNO A+B:		65.000,00

Član 4.

Općinski načelnik će sa Udruženjima iz člana 2. ove Odluke zaključiti Ugovor o dodjeli sredstava za finansiranje/sufinansiranje iz budžeta Općine Ilijaš, a putem kojeg će se regulisati međusobna prava, obaveze i odgovornosti koje se odnose na dinamiku i modalitet doznačavanja sredstava, način praćenja namjenskog utroška sredstava, te elementi narativnog i finansijskog izvještavanja o provođenju odobrenog programa na osnovu Javnog poziva za prikupljanje zahtjeva udruženja i nevladinih organizacija radi dodjele sredstava za finansiranje/sufinansiranje iz Budžeta općine Ilijaš za 2023. godinu broj: 01/2-11-311/2023 od 06.02.2023. godine.

Član 5.

Korisnicima sredstava iz člana 2. ove Odluke, koji u ugovorenom roku ne dostave izvještaj o namjenskom utrošku sredstava, Općinski načelnik će svojom Odlukom obustaviti finansiranje odobrenog programa i aktivirati mehanizme povrata sredstava u slučaju utvrđenog nenamjenskog trošenja budžetskih sredstava.

Član 6.

Za realizaciju ove Odluke nadležne su Služba za društvene djelatnosti i poslove mjesnih zajednica i Služba za privredu i finansije Općine Ilijaš.

Član 7.

Ova odluka stupa na snagu danom objavljivanja, a ista će biti objavljena na oglasnoj ploči općine Ilijaš i web stranici www.ilijas.ba.

Obrazloženje:

Na osnovu člana 46. stav 4. Zakona o Budžetima u Federaciji BiH ("Službene novine Federacije BiH", broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 12. Zakona o finansijskom upravljanju i kontroli u javnom sektoru u Federaciji BiH ("Službene novine Federacije BiH", broj: 38/16), te tačke 20. Smjernica o minimalnim standardima dodjele budžetskih

sredstava putem transfera i subvencija u Federaciji BiH ("Službene novine Federacije BiH", broj: 15/18), Načelnik Općine Ilijaš raspisao je Javni poziv za prikupljanje zahtjeva udruženja i nevladinih organizacija radi dodjele sredstava za finansiranje/sufinansiranje iz Budžeta općine Ilijaš za 2023.godinu.

Javnim pozivom su pozvana udruženja i nevladine organizacije, registrovane u skladu sa važećim propisima, sa sjedištem na području Općine Ilijaš, da podnesu zahtjeve za projekte koji će se finansirati/sufinansirati iz sredstava Budžeta općine Ilijaš za 2023. godinu i to u sljedećim oblastima:

- a) Udruženja i nevladine organizacije koja okupljaju boračku populaciju;
- b) Udruženja i nevladine organizacije iz oblasti kulture;
- c) Sporta;
- d) Ostali projekti - Omladinski aktivizam, volonterski rad, zaštita životne sredine, kultura življenja, projekti za očuvanje, čišćenje i zaštitu prirode.

Na osnovu tačke 29. Smjernica o minimalnim standardima dodjele budžetskih sredstava putem transfera i subvencija u Federaciji BiH ("Službene novine Federacije BiH", broj: 15/18), te člana 107. Statuta općine Ilijaš ("Službene novine Kantona Sarajevo" broj: 20/09-prečišćeni tekst i 46/18), Općinski načelnik donio je Rješenje o imenovanju Komisije za selekciju prijave po Javnom pozivu, kao i Rješenje o imenovanju Komisije za ocjenu prijave po Javnom pozivu.

Komisija za selekciju prijave je izradila prijedlog teksta i dokumentacije Javnog poziva, pratila tok javnog objavljivanja i provođenja poziva, a nakon isteka roka za dostavu prijave evidentirala sve prijave te uradila ocjenu ispunjenosti općih uslova (kriterija učešća) u pozivu.

O svom radu Komisija je vodila zapisnik za svaku sjednicu posebno i iz istih je vidljivo da je Komisija na sastancima radila u punom sastavu od tri člana, od kojih je jedan član bio sekretar Komisije, te da je održala ukupno šest sjednica. Komisija je nakon otvaranja dostavljenih prijava Udruženja i nevladinih organizacija iz oblasti kulture konstatovala da je u skladu sa Javnim pozivom u definisanom roku zaprimljeno ukupno 11 prijave, sa 12 projektnih prijedloga, te da su sve prijave blagovremene, da je ukupno 8 prijave potpuno, dok su 3 prijave nepotpune, te je podnosiocima prijave dostavljan poziv za dopunu prijave.

Komisija donijela je Odluku kojom se odbija prijava Fondacije "Starobosanski grad Dubrovnik, Ilijaš" zbog neispunjavanja općih kriterija iz člana 2. Pravilnika o kriterijima, načinu i postupku raspodjele sredstava iz tekućeg granta za programe iz oblasti kulture koji se finansiraju i sufinansiraju sredstvima Budžeta Općine Ilijaš, broj:07-40-730/13 od 11.04.2013 godine, kojim je propisano da "Sva udruženja iz oblasti kulture koja imaju namjeru aplicirati za dodjelu sredstava potrebno je da ispunjavaju sljedeći uslov: "da je nosilac projekta, odnosno podnosilac aplikacije organizovan u skladu sa pozitivnim zakonskim propisima najmanje 12 (dvanaest) mjeseci prije objave Javnog poziva, te da blagovremeno izvršava obaveze u skladu sa članom 33. Zakona o udruženjima i fondacijama ("Službene novine Federacije BiH", broj:45/02)".

Na donešenu Odluku o odbijanju prijave, od strane ovlaštene osobe Fondacije uložen je blagovremen, dopušten prigovor koji je Općinski načelnik uvažio i obavezao Komisija za selekciju prijave po Javnom pozivu za prikupljanje zahtjeva udruženja i nevladinih organizacija radi dodjele sredstava za finansiranje/sufinansiranje iz Budžeta Općine Ilijaš za 2023.godinu da, na osnovu Odluke po prigovoru, broj:01/2-11-311.1/2023 od 27.03.2023.godine, izmjeni i dopuni Odluku o ispunjavanju općih uslova Javnog poziva radi dodjele sredstava za finansiranje/sufinansiranje iz budžeta općine Ilijaš za 2023.godinu za oblast kulture, broj:01/2-11-311/2023 od 20.03.2023.godine i u navedenu Odluku uvrsti Fondaciju "Starobosanski grad Dubrovnik, Ilijaš".

Nakon selekcije prijave, a koja je uključivala i dopunu u skladu sa tačkom 45. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine ("Službene novine Federacije BiH", broj:15/18) sve prijave su ispunile opće uvjete za dodjelu sredstava i ušle u narednu fazu ocjene, a koju je provela Komisija za ocjenu prijave.

Komisija za selekciju prijave je na osnovu tačke 45. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH", broj:15/18) donijela Odluku o ispunjavanju općih uslova Javnog poziva.

U skladu sa odredbom člana 12. Poslovnika o radu Komsije, a u vezi sa tačkom II. Rješenja o imenovanju, Komisija za selekciju prijave je uradila izvještaj o radu te isti dostavila Komisiji za ocjenu prijave i davaocu budžetskih sredstava-Općinskom načelniku.

Komisija za ocjenu prijave je nakon zaprimanja Izvještaja o radu Komisije provela proceduru ocjene prijave u skladu sa odredbama Pravilnika o kriterijima, načinu i postupku raspodjele sredstava iz tekućeg granta za programe iz oblasti kulture koji se finansiraju i sufinansiraju sredstvima Budžeta Općine Ilijaš broj:07-40-730/13 od 11.04.2013. godine i procedurama

utvrđenim Smjernicama o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj:15/18).

Na osnovu procjene potreba u određenoj oblasti, uzimajući u obzir kvalitet planiranih aktivnosti, metode provođenja, te njihovu povezanost sa problemima koji su bili osnov za utvrđivanje prioriteta, ograničenost raspoloživih budžetskih sredstava, ukupan iznos potrebnih finansijskih sredstava potreban za realizaciju projekata i konačnu rang listu ocjenjenih projekata, Općinski načelnik je na prijedlog Komisije odlučio da se od dostavljenih 12 projektnih aplikacija odobri finansiranje za sve projektne aplikacije. Komisija je izradila prijedlog Odluke o dodjeli sredstava za finansiranje/sufinansiranje udruženja iz oblasti kulture sredstvima Budžeta Općine Ilijaš za 2023.godinu, te isti dostavila Službi za privredu i finansije općine Ilijaš na mišljenje vezano za finansijske odredbe Odluke.

Nakon razmatranja dostavljenog prijedloga Načelnik općine je u skladu sa članom 46. stav 4. Zakona o budžetima u Federaciji BiH ("Službene novine Federacije BiH" broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), članom 12. Zakona o finansijskom upravljanju i kontroli u javnom sektoru u Federaciji BiH ("Službene novine Federacije BiH" broj:15/18), tačkom 50. Smjernica o minimalnim standardima dodjele budžetskih sredstava putem transfera i subvencija u Federaciji BiH („Službene novine Federacije BiH“ broj: 15/18), članom 3. Budžeta Općine Ilijaš za 2023. godinu ("Službene novine Kantona Sarajevo" broj 2/23), članom 10., 24. i 25. Odluke o izvršavanju Budžeta Općine Ilijaš za 2023. godinu ("Službene novine Kantona Sarajevo", broj:2/23), članom 11. Pravilnika o kriterijima, načinu i postupku raspodjele sredstava iz tekućeg granta za programe iz oblasti kulture koji se finansiraju i sufinansiraju sredstvima Budžeta Općine Ilijaš broj:07-40-730/13 od 11.04.2013. godine, članom 107. Statuta općine Ilijaš ("Službene novine Kantona Sarajevo", broj: 20/09-prečišćeni tekst i 46/18) i prijedlogom Komisije za ocjenu prijave po Javnom pozivu za prikupljanje zahtjeva udruženja i nevladinih organizacija radi dodjele sredstava za finansiranje/sufinansiranje iz Budžeta Općine Ilijaš za 2023. godinu godine, Zaključka o davanju mišljenja na finansijske odredbe prijedloga Odluke o dodjeli sredstava za finansiranje/sufinansiranje udruženja iz oblasti kulture sredstvima Budžeta Općine Ilijaš za 2023.godinu, broj: 04/3-11-909-3/23NM od 13.04.2023.godine izdatog od nadležne Službe za privredu i finansije, donio Odluku kao u dispozitivu.

Pouka o pravnom lijeku: Protiv ove Odluke nezadovoljna stranka ima pravo Prigovora Općinskom načelniku u roku od 8 dana od dana objave.

Obrađivač:

Pomoćnik Općinskog načelnika

Sanja Zagorac-Jozić

ZA TREZOR:

Služba za privredu i finansije
Pomoćnik Općinskog načelnika

Mr.sci. Merima Osmanović

Davatelj sredstava:

Općinski načelnik

Akif Fazlić, dipl.ecc.



Dostaviti:

1. Korisnici sredstava x 6
2. Oglasna ploča
3. Služba za privredu i finansije
4. web stranica www.ilijas.ba
5. a/a

Ul. 126. ilijaške brigade br. 6, 71380 Ilijaš
Tel. ++387 33 580-620, 580-690, fax. 400-505,
Transakcijski račun kod RAIFFEISEN BANK BIH,d.d. Sarajevo: 1610000091470429
e-mail info@ilijas.ba



Broj certifikata:HR008740